

Banja Koviljača ima sedam čuvenih mineralnih izvora: Izvor Kralja Petra, koji snabdijeva istoimenom parno kupatilo (29^o C). Ovomu kupatilu postavio je temelje 1904 g. svojom rukom Veliki Kralj Petar I. Oslobođilac. Izvor Vuka Karadžića u vezi je s prvim spomenutim izvorom i ima istu sumporovitu vodu. Za jaču temperaturu vode, po liječničkom propisu, u kupatilu voda se zagrijeva parom, koja u rezervoarima prolazi kroz cijevi i tako nije u neposrednom dodiru s ljekovitom vodom. Sumporni izvor za piće (28^o C). »Jordan« izvor bakarne vode (17^o C). Izvor »Vojvoda Anto Bogičević« gvoždedita voda za piće (17^o C). Izvor »Princeza Jelena« ima čistu planinsku pitku vodu. Izvor »Brestovi« nad Koviljačom sa čuvenom hladnom planinskom pitkom vodom.

Osim ovih vodenih izvora ima Banja Koviljača i ljekovito sumporno blato, koje s uspjehom liječi limfatične žlijezde i ostale skrofulozne promjene svih tkanja, otekline neuralgično-reumatične naravi, bolesti ženskih genitalnih organa itd. Ovo se sumporovito blato pripravlja od osobite vrste ilovače u kanalima, koji su za to udešeni, stalnim miješanjem sumporovite vode s ilovačom pod utjecajem vazduha. Uređeno je moderno blatno kupatilo u vezi s blatnim jezerom za liječenje po sasvim savremenim metodama.

Po hemijskoj analizi u Koviljači ima dvije vrste izvora ljekovitih voda, i to: sumporovitih i željezovitih. Sumporoviti su izvori alkalno kiseli i slabo murijatički, te uz druge sastojke sadržavaju i sumporna vodonika, slobodne ugljene kiseline, broma i joda, dok željezoviti hladni izvori, pored znatne količine gvožđa i slobodne ugljene kiseline sadržavaju još i radijumske emanacije.

Indikacije: Skrofuloza, tuberkuloza kosti i zglavaka, hronični reumatizam zglobova i mišića, malokrvnost, hloroza, hronične kožne bolesti, hronična zapaljenja materice i njene okoline kao i tim uzrokovana jalovost, nervoza, išijas i različne periferne uzetosti, strane povrede kosti i nekih dijelova i njihove posljedice, sve vrste hroničnih eksudata, hronična zapaljenja žila, pretjerana gojaznost i giht, gušavost, stanje iznemoglosti i smanjenje životne energije poslije preležanih teških bolesti i pretjerana fizičkog ili umnog naprezanja, posljedice starog luesa i rahitisa; svi poremećaji dječjega zdravlja, bilo zbog nehigijenskih stanova i rdave ishrane, bilo zbog preležanih bolesti ili školskog naprezanja.

Protuindikacije: tuberkuloza pluća, osobito s temperaturom ili izbacivanjem krvi, teške mane srca u stadiju inkompensacije, veoma razvijena arterioskleroza, zle guke (rak, sarkoma i sl.), i uopće bolesnici u stanju prevelike iznemoglosti, jer ne mogu izdržati liječenje.